

# Ленин'я но Алнаш КОЛХОЗНИК

Можга но Алнаш  
райкомлэн, райис-  
полкомлэн газетсы.

№ 1  
26 декабре  
1934 арын

„Ленин'я“ но „Алнаш колхозниклэн“ нюлэс газетсы

**Нюлэс ужанэ вань кужымеэ поттон но уж азинлыкеэ  
Жутоң вамен планэз быдэетом!**

## Горд пул.

IV тй кварталы тупатэм нюлэс дасян планэз быдэстись азьмынись колхоз'ёс.

Красный с-советысь „удмурт октябрь“ колхоз нюлэс дасян планэз 211 проц, нулдонзэ 20 процент быдэстийз.

Зуч Пычас-сельсоветысь „Гудок“ кохоз дасянзэ 218 проц., нулдонзэ 27 проц.

## Сьод пул.

IV тй кварталы тупатэм нюлэс дасян планэз куашка тйсьёс.

У-Нлючи сельсоветысь „Красный ключ“ колхоз нюлэс дасян планэз 5 проц., нулдонэн 16 процент быдэстийз.

Билляр сельсоветысь „Пионер“ колхоз дасянзэ 11 проц., нулдонэн 7 проц.

## Горд знамя—„Кр-Пахарь“ кийн.

„Красный Пахарь“ колхоз 22 декабрь нюлэс коранзэ 111 проц. но ворттонзэ 50,6 процентлы быдэстийз. Нюлэскын ужась колхозник'ёс полын колхоз правлени член бригадир луса ужа. Нюлэс дасянлэсь данлыко луэмзэ колхозник'ёсызлы валэктон вамен вань ужаньы быгатисьёс нюлэсэ потйзы. Та дыр'я ворттон нормазэс валлы быдэ нуналлы 5 кубометрен быдэс'яло. „Красный пахарь“ колхозник'ёслэн азинлык сөтйсь примерзы вань нюлэс ужасьёсын киултэмьин луйны кулэ. „Кр.-Пахарьысь“ ударник'ёсыз леспромхозлы премировать кароно.

**УДАРНИК.**

## Захаровлэн бригадаэз горд знамяэз лэзиз

23 декабрь, колхоз председателёс полысь „НОВАЯ ДЕРЕВНЯ“ колхозлэн председателёс ЗАХАРОВ эш гинэ ужась. Нырись нунал'ёсаз Захаровлэн бригадаэз план'ёсса умой быдэс'ямез понна лесочастоклэсь Горд знамя басьтйз. Знамяэз бригадын возем понна лесочасток нуналлы быдэ одйг манет коньдонэн тыре. Озы ке но, таче ужез бригадаысьтыз колхозник'ёс полын тырмыт валкытымтээн, Захаровлэн бригадаэз бере кылиз, знамяэз кийсьтыз лэзиз.

**ЛЕСОРУБ.**

## 12 мурт 10 кубо- метр дасяло.

Уд-Тоймобаш сельсоветысь „Село“ колхоз (председателёс Бузанов) нюлэс коранзэ 20 но ворттонзэ 15 процент сяна өз быдэсты на. Нюлэс дасянзэ сантэмаса, сөөслэн одйг пиосмуртсы сяна нюлэскын уг ужа, кыл'мез ваньмыз нылкышноос, колхоз правлени нылкышноослы ужаньы уг юртто. Соин валчэ нормазэс уг быдэс'яло. 22 декабре 12 мурт пудэн ужасьёс 10 кубометр гинэ ваньдызы.

## Можга леспромхозлэн

нюлэс участок'ёсаз

**Алнаш районьысь юнма-  
тэм сельсовет'ёслэн**

4 тй кварталы тупатэм нюлэс дасянзэ 22 декабрь нюлэс быдэстэмзы.

№	Сельсовет'ёс	Корав	Ворт
		плав%/о	тон %/о
1.	Туташ . . .	90	17
2.	Азамат . . .	49	16
3.	Ивановск . . .	71	22
4.	Б-Кибья . . .	39	6,7
5.	Писеево . . .	38	11
6.	Уд-Тоймоб. . .	26	9
7.	Алнаш . . .	19	—
Ваньмыз:		36	12

# Кировской крайысь совет'ёслэн нырисетй с'ездзылы 4 ти кварталлы тупатэм нюлэс дасян планэз 100 процент быдэстоно

Парти обкомлэн Можга лес-промхозэ 20 декабре ыстэм телеграммаэз'я 4 тй кварталлы тупатэм нюлэс дасян но ворттон планэз 25 докабре 100 процент но 1935 арлэн нырись кварталэзлэсь планэз 20 январозь сю процент быдэстоно.

Нош Можга леспромхоз борды юнматэм Алнаш районьсь 7 сельсовет'ёс 22 декабрьсь нюлэс коранэз 36 но ворттонэз 12 процентлы сяна өз быдэстэ. Ма бордын быдэстымтэ-лэн мугез? 22 декабре 7 сель-

совет'ёсысь валэн но пудэн валче 620 мурт сяна өз ужалэ. План'я нуналлы быдэ 2782 мурт ужано. Со вёзы ик нормазэ но уг быдэс'яло. М-Тойма колхозысь 9 мурт пудэн ужась-ёс нуналлы 7 к-м, 2 валэн ворттйсьёс 3 к-м гинэ лэсьто. План'я нош муртлы быдэ 3 кубометрлэсь ичи кулэ ёвл. Колхоз правлениос нюлэс ужын трудоденьлэсь авторитетсэ жу-тон понна уг нюр'ясько. Тйни соин валче нюлэс дасян план Алнаш районьн куашкатэмьн.

## Кин мечак куашкатэ.

Б.-Кибья сельсоветысь „Челюскин“ колхозлэн председателэз Андрианов, со ик парторг, нюлэс дасянэз атиз куашкатэ. 22 декабрьлы „Челюскин“ колхоз дасянэз 28 но ворттон планэз 7 проц. сяна өз быдэсты. Верам числоэ со колхозысь 8 мурт сяна өз ужалэ. Соос но муртлы быдэ нуналлы 1.5 кубаметр сяна уг быдэс'яло. Нюлэс

дасяны лэсьтэм договорез куашкатэмзы понна Карамбай участок Андрианов вылэ 50 манет неустойка пред'явить кариз. Андриянов нош ачиз янгыш луса вылысь 50 манет тыронэз колхозник'ёсыз вылэ люкылэм.

Нюлэс дасянэз куашкатэмез понна Андрияновез партвыскани улэ вуттоно.

## Ёлкин учет нуонэз 'вунэтйз.

Кайшур гуртысь единоличник'ёс нюлэс ужаны мынйськом шуса кошко но, нюлэскын ужатэк городын мар дуно уж вань сое ужаса уло. Нош Ёлкин сельсовет председателэ кытын кызы ужало одйг но уг тоды.

Алигес Жевлаков Фадор нюлэскы ужаны мынйсько шуиз но, ачиз городын кин мар ужаны косэ озы ужаса ветлэ. Со озы ужаменыз нюлэс ужан планэз туннэ нуналозь одйг воз но уз на нулдына.

Таче Жевлаков кадь нюлэс ужез куашкатйсь мурт'ёсыз калык суд пыр шымыртоно. Ёлкин эшлы учет нуон ужез умой пуктон понна юн тыршыса ужано.

Виноградов.

## Тани кин'ёс нюлэс дасянэз куашкато

Почешур сельсоветысь „Социализме“ колхоз, нюлэс дасянлэсь политической но хозяйственной данлыксэ уг дун'я. Нюлэс ворттон квартальной планэз 9 проц. сяна өз быдэсты на. Озы ик „Светлая поляна“ колхоз правлени нюлэслэн данлыкес сярись колхозник'ёс полын уг валэкто нормазэс уг быдэс'яло. Ворттон квартальной план 5 процент сяна быдэстымтэ. Со сельсоветысь ик „Красная гора“ колхоз но нюлэс ворттонэз тыпак куашкатйз. Квартальной план 1,7 процент сяна ворттэмьн ёвл.

Почешур сельсоветлы али ик нюлэс планэз быдэстыны вы- шлись уждэс кутэно.

## 10 проц. возыт луыны кулэ.

Б-Уча сельсоветысь вань колхоз'ёс но нимазы улйсь единоличной хозяйствоос нюлэс дасянэз кулэтэмен ляд'яса 20 тй декабрь 10 процен сяна уз на быдэстына. Нош та ужлэсь шугзэ ке учконо со луоз? Сельсоветысь колхозысь руководительёслэн сюлмаськытэк ужамзы луоз.

Тани та нюлэс ужанэз умой пуктон понна Рябов эшлы массово валэктон ужез зол пуктоно, озы ик вань колхоз правлениослы но нюлэс уж борды умой кутскыса нюлэс дасянэз дырозяз быдэстоно.

М. А.

## Колесников быдэсак бригадаз бере кельтйз

Удмурт Тоймобаш сельсовет нюлэс коранэз 26 но ворттонэз 9 процент сяна өз быдэсты на. „Социализме“ колхозысь нюлэскын ужасьёслэн бригадирзы Колесников коммунист нормазэ 1,5 кубомерт сяна оз быдэс'я, корам бервыл'ёссэ умой өз сайкылы, азинлыко ужась колхозник'ёслы гинэ мешать кариз. Таче умойтэм адзыса, лесоучасток, Колесников азе нуналлы 3 кубометр быдэстыны вылысь умой валэктон ке но пуктйз, Колесников гуртаз кошкем бере гинэ отысь колхозник'ёс 2,5 кубометр быдэс'яны кутскизы.

Колесников кызы ужаны кулэ ёвлэз возматэмзэ вань колхозник'ёслы урокен ляд'яса, нуналлы сётэм нормазэ мултэсэн быдэс'ян понна нюр'яськоно.

Трунов.

Редакторез воштйсьёс:

В. Е. ДАНИЛОВ

С. ОРЛОВ

Райлит № 233. Г. Можга, Типография газеты „Ленин'я“  
Заказ № 1380